

معلومة سريعة

الأعياد السيّدية الكبرى

كنيستنا فيها 7 أعياد سيّدية كبرى ... معظمهم احنا عارفينهم
إيه السر في الأعياد دي؟ و إيه ترتيبها؟

الكنيسة رتبت 7 أعياد سيّدية كبيرة و 7 صغيرة. خلونا نبدأ بالكبيرة الأول لأنها أسهل و معروفة أكثر .. و هنمشي بترتيب حدوث الأعياد

الأعياد السيّدية الكبرى



1. عيد البشارة (بشارة الملاك جبرائيل للعذراء بميلاد السيد المسيح) ... و ده بيبقى في أبريل قبل 9 شهور من عيد الميلاد

لأن الحبل بدأ من ساعة البشارة من ساعة ما العذرا قالت: "هوذا أنا أمة الرب، ليكن لي كقولك"

2. عيد الميلاد يوم 29 كيهك بعد صوم الميلاد

3. عيد الغطاس (أو عيد الظهور الإلهي لما السيد المسيح اتعمّد من يوحنا، و ظهر الروح القدس عليه مثل حمامة و الآب قال من السماء: هذا هو ابني الحبيب الذي به سررت .. فبكده ظهر ال 3 أقانيم)

عيد الغطاس بيبقى فيه لقان قبل رفع بخور باكر

4. حد السعف (أو حد الشعانين .. اليوم اللي فيه دخل السيد المسيح أورشليم كملك و استقبله الأطفال بالتسبيح و السعف في أيدهم)

حد الشعانين مميز بالدورة اللي فيها السعف و لحن إفلوجيمينوس و الألحان بالطريقة الفرايحي

5. عيد القيامة .. طبعاً أبهج عيد بعد الصوم الكبير و أسبوع الآلام تيجي فرحة القيامة لمّا ربنا

داس الموت و غلبه إلى الأبد

و عشان ده أهم عيد و ده أساس المسيحية, بتيجي فترة الخماسين اللي بنفضل نحتفل فيها بالقيامة .. و كل يوم حد في السنة بنحتفل بالقيامة

6. عيد الصعود .. بعد 40 يوم من القيامة ظهر فيها ربنا كذا مرة لتلاميذه أكمل عمله الفدائي و

أسس الكنيسة .. صعد للسماء بالجسد عشان يبعث لنا المعزّي الروح القدس

7. عيد حلول الروح القدس .. بعد 10 أيام من الصعود حلّ الروح القدس على التلاميذ و هم

متجمعين في علّية مار مرقس مثل ألسنة نار .. و بدأوا يبشروا بالسيد .. و بدأت كنيسة العهد الجديد